

Iedere dag BBBeter

**Van Vertrouwe- criezis
nao Naoberstaot**



Samenvatting

Verkiezingsprogramma

2023-2027



Iedere dag BBBeter



Speerpuntje Verkeziingsprogramma BBB

WUENINGBOUW

- Edere burger 'n thoes

IMMIGRASIE & ASIEL

- Asiel en migrasie, ieërliek en draagbaar

ERMMOOD BESTRIEJING

- Wirke mot loeëne, vâôr ederein
- Es wirke néét geit, zorge wae vâôr uch
- Good fatsoen, good pensjoen

ECONOMIE

- Gruuets op oos bedrieve
- Contant geld, âôveral te bestaeje
- Belasting is prima, ... mér... waal ieërliek
- Ouch digitaal, de miens centraal

KLIMAAT

- Waem roeëd steit, kan néét greun doon

GEZONDJHEIDSZORG

- Geín zorg, om Eur zorg!

LANDJBOUW & VÉSSERIE

- Voldoondje aeteswaar ín- en oet eíge landj

DEFENSIE

- Midde ín de werreldj, vól daadkracht

VEILIGHEID

- Veiligheid vâôr éder wíek en eder dôrp
- Crimienalieteit moog noeëts loeëne

BETROEWBARE ÂÔVERHEID

- De âôverheid mót d, r zeen vâôr alle burgers, en néét andersom

Iedere dag BBBeter



Wueningbouw

Eedere burger ein thoes

Werk, inkome, woeëne, ongerwies, gezondheid, welzeen, sociale verbinjing en laefomgaeving doon d'r allemaol gelijktied aan mit, Bouwe en woeëne is ein sociaale opdrach.

BBB haet aug, vâôr de miens achter de wueningzeukendje. Om díe raeje motte wae angers omgaon met de bestaonde wuening vâorraod én wille wae fors mieër betaalbare wueninge bij bouwe. Mínder contraole, en mieër flexibiliteit. Daobie beheld BBB waal realiteitszin. Wae kenne es âöverheid néét allein dictere mer motte ouch faciliteren én samewirke. Vâôr wuening bouwproductie hób se néét allein wuening corporasies én gemeintes nuuedig, mer ouch mertpertieje en investeerders.

De Europeese raegelgaeving beedj de maogelikheid om raeje van groeët aopenbaar belang aan te wiezewoedoor in aafwieking van de milieuraegelgaeving, zoe es stikstof, tóch weersjnel vergundj kan waere. BBB wiltj dao gebroek van make vâôr 't groeëte belang van 't wegwirke van de tekórte oppe wueningmert. De stikstogwet mot totaal oppe sjóp woebie néét stikstif, mer behaad én herstel vanne natuur centraal kump te staon {kiek hoofstök Landbouw}.

BBB wilt 't boewe van nuuj wueninge wéér aantrékkeliker én baeter betaalbaar make! Eín van de aafwaeginge die wae dao bie make is om de raegelgaeving vâôr nuuj wueninge zoe es 't bouwbesloet en duurzaamheids eisen de komende jaore te bevreeze! Zoe waete boewers, ontwikkelieërs én kuipers woe ze aan toe zien. Wae zitte extra ín, op verdeurzaming van bestaonde wueninge door {financiële} stimulering, mer zónger drang of dwang.

Wae blieve inzette op zoe vâôlmâogelik wueningbouw op laege en besjkbare plekke bénne de bestaondje dôrpe en staeje. Om de wueningnoeëd wiejer op te losse zal d, r flink én efficiënter geboewd motte waere! BBB wilt ongerangere inzette op mieër innovasie en febrieksmatige wueningboew.

Dao is de in de aafgeloupe jaore vâôl focus gewaes op staejlikboewe. Hoewaal de bouw in groeëte staeje belangriek blief, is 't onieërlik vâôr de wueningzeukendje op 't plattelandj om hâörnээt te helpe! Vâôl jonger wille leefs in eíge dôrp blieve woeëne, en de vâôl kleinere boewprojekskes vâôr de dôrpe telle bijein ouch flínk met. Wae wille 't beleid dus weer flink laote wirke vâôr boewe in dôrpe en staeje .

Oos wueningemert kan de huidige drók néét mieër aan! Wa veule os daarom genoeëdzaak om ouch te kieke nao de vraogkantj van de wueninge mert De drók vanoet statushaojers die ein wuening kriege toegewaeze, arbeidsmigrante die in reguliere wueningvâorraod gehoest waere en ouch de vraog van expats én boetelanjse studente wâôrd steed groeëter. Dít verdrókt anger Nederlansje burgers, die al jáóre oppe wachlies staon! BBB keesj d'r vâôr om hâôr noe éxtra aandach te gaeve en de wueninge mert íeërs weer in belans te bringe!

Iedere dag BBBeter



Immigrasie & Asiel

Asiel en migrasie, ieërliek en draagbaar

BBB haetmienserechte hoeëg in 't vaandel staon. Miense die éch oppe vluch zeen vôôr aorlaoge of van waem hâôr laeve en / of det van hâôr hâôr gezin danig waert bedreigd, én det kenne aantoeëne motte geholpe waere. De asielcrisis belast noe echter oos samelaeving danig, en wae motte via 'n Quotum hiej 'paol- en perk ' aan gaon stelle. Statushaojers die in Nederland ein thoës hōbbe gevondje helpe wae met 'n vlotte intergasie in oos samelaeving BBB meuktj dao werk van.

Al decennia lank waerd geperbeerd de groeëte instroume onger contraole te kriege. Eders kieër mislōktj det. Aan de loupdj bandj waere d, r migrasierecaors gebroake, en in Ter apel slaope miense gewuuen boete. In versjillendje dōrpe van oos landj waere miense geterroriseerd door vôôl âôverlasgaevendje 'veilige lenjer miense'. BBB haet dit anders vôôr auge! BBB wilt de asiel instroum duchtig gaon beperke, de hoezer opnuuj weer ieërliek verdeile en de asielprocedures aam de boetegrenze van de EU laoten doorloupe. Hiej gaon wae ouch keihel vôôr mit oos voest oppe taofel slaon bie de EU.

Ein Europese aanmeljbalie vôôr verzeuk om asiel vôôrkump miensehanjel. De EU kan ouch aanmeljings centrums in de regio oprichte, zoedet asielzoekers dao terech kenne én de procedure dao ouch wâêrd aafgehanjeld, zoe wie ouch in Tanzania, Malawie, Namibië of Senegal. Noe trekke asielzoekers door de Sahara en blief 't verdeenmodel van de miensehanjeliëre bestaon.

Asiel is allein mâôgelik vôôr miense die op basis van de 'grondj van de Conventie van Genève ' {vervolging politieke en religieuze raeje} hiejvôôr in aanmeking kome. Néét vanwaege ermood, of 't néét mieër hōbbe van ein heim enz., want daovôôr is opvang inne regio bedoeld.

De demografische drōk vanoet Afrika blieft groeëter waere. De bevolking kent noe 1,2 miljard miense en det waerdj nao verwachting 2,4 miljard 2100. Det vereist den ouch 'n Afrika-beleid! De noodzakelikke sjakel hiej-in is natuurk voedsel / aetes-zékerheid! Det is allein te bereike met eine intensievere landjbouw én vieteelt dan es wat noe 't geval is! Nigeria haet noe ruum 200 miljoen inwoëners. Det geit nao 600 miljoen haen in 2100. Met extensief geite haoje kump se d,r néét. Det vreug om 'n technologies en intenzievere aanpak. Hiejvôôr hōbbe wae kennis m in hoies om Afrikaanse lenjer te helpe.

Oos wuuening mertj, de zorg, en anger verzeeninge kenne de drōk néét mieër aan. Wae veule ós daarom genoeëdzaaktj om te kieke nao de vraogkantj. De drōk vanoet statushaojers die ein wuuening kriege toegewaeze, arbeidsmigrante die in de reguliere wuuening vôôrraad gehoesvestj waere en ouch de vraog van expats én boetelandjse studente waertj steeds groeëter. Det verdrōktj anger Nederlandjse burgers die al jaore oppe wachliet staon. BBB keestj d, r vôôr hâôr noe éxtra aandach te gaeve, en de wuueningmertj ieërs weer in aevewich te bringe! Det impliseert det wae de migratiedrōk wille beperke, woebiej wae ós terdege rejalizere det zoget neet simpel eenvoudig is.

Iedere dag BBBeter



Ermoedbestrijding

Wirke mot zich loeëne, vôôr ederein Es wirke néét geit, zorge wae vôôr dich Good fatsoen, good pensjoen

De enorme waerde verminjering van oos geldj inclusief de gestaege koste vôôr os laevesongerhaod, en de sterk gestaege enerzjie prieze zorge d, r vôôr det mieër es eïn miljoen miense onger de ermoodgrens terech komen. BBB steit vôôr kouwkrach besjerming én ermoodbesjerming; wae laote némes achter. Belastig waertj op dit moment door de âöverheid neet allein gebroektj om take oet te veure, mer ouch om 't gedraag van burgers én de samelaeving te sture. Det sleit zelfs zowiet door, det ongerwerpe es vleistax en sokkertax wéér opduuke.

Werk is eïn van oos funderinge van oos samelaeving. Door te wirke kriegste fianancieële ruumdje sociale kontakte én ieër van dien wirke. Doe levers ouch 'n biedrage aan oos samelaeving én door de ervaring waat detste opduis hêb se de mâôgelikheid om dich es persoeën breijer te ontwikkele. Ederein krieg de zelfdje kanse 'n mâôgelikhaeje, mér wae realizere os ouch, det neet éderein kén wirke of in dezelfdje maote maag wirke. Wae kieke mit aevvâôl waardering nao wikneumers die prakties werk verrichte, es nao werknummers die theoreties werk doen.

In de aafgeloupe jaore zeen oos verwachtinge ten aanzen van werk, én de invulling daovan sterk verangerdj. Zoe wissele wae dôkker van werkgaever, en daobie stappe wae dôkker âöver nao ein nuuj wirkomgaeving. Sinds Covid is 't vôôr sommige beroepe hieël gewuuen gewaore om dien werk onlajn oet te veure. De waereldj woe in wae noe wirke is flink verangerdj, woedoor ouch weer nuuj beroepe onstaon, en aoj beroepe gans weggaon! Door de als mer toenemendje vergriezing van oos samelaeving, numtj 't tekort oppe arbeidsmertj mieër toe. 'T Is in bepaaldje sectore hieël erg meujlik om aan genog voldoondje mer ouch gekwalifiseerdje miense te kome, wat met veroerzaaktj waerdj door ein tekort aan miense die inne praktijk zeen opgeleidj.

Neet allein bepaoldj werk is van belang en belangriek. Wae wille de tédere vorm van werk wat bedreugtj aan oos samelaeving belangriek is. Daorum wille wae det de waardering vôôr de miense die 'n actieve biedrage aan de maatsjappie levere, bevâôrbeeldj es mantjelzorger, vriewilliger of opvoeder van kinjer, geliek is aan de waardering vôôr de miense met ein betaaldje baan. Sommige zitj 't ouch herdstikke taege. Moog dien wirkrelasie verangere door omstenjighaeje, dén kriegse hulp. Lôktj dien werk wat detste noe hêbs néét mieër ?..dén gaon wae vôôr dích op zeuk, nao waat detste waal nog kéns doen. En es wirke den hieëlemaal néét mieër geit, zorge wae good vôôr dích!

Wae drejje de oetveuring van de nuuj Pensjoenwet truuk. Het aparte pensjoen siesteem vôôr Politieke Ambsdragers {Appa} waerdj aafegsajtj. Politieke Ambsdragers waere ongerdeil van 't zelfdje pensjoensiesteem es de res van Nederlandj. De pensjoen gerechtigdje en pensjoendeilnummers kriege invloed oppe keuze die pensjoenfondse make op gebied van beleggingsdoele. Dae néét 't riesieco wiltj loupe op ein lieëger pensjoen, mot kénne keze vôôr beleg gingsdoele die mieër naodrôk ligge op rendement, den bevâôrbeeldj op deurzaamheid.

Iedere dag
BBBeter



Economie

Gruuets op oos bedrieve Contant geldj, âôveral te bestaeje Belasting oké, mér den waal ieërlik Ouch diegietaal, de míens sentraal

Ein sterke economie, is 'n economie die oetgeit van eíge krach. Wae waardere wat we es landj in hoes hóbbe. Wae zitte ín op dinge woe wae good in zeen, en ongesteune de sectore woemit wae vâôrop loupe inne werreldj. Ein sterke hoeëgwaardige economie is ouch nuuedig om sosjaal, cultureel en technologies bíej de tied te blieve én om ontwikkelings zake betaalbaar te haoje. Ein stérke economie zorgtj d,r mit vâôr, vâôr voldoondje werkgelaegenheid en inkomste vâôr de âôverheid.

Det geldj ouch allemaol vâôr oze voedselsector mer ouch vâôr oze 'maak industrie' in oos landj. Plekke woe hongerd doezindje miense hél aan 't werk zeen, om hâôr broeëd te verdene doelgerichtje efficiëntie én innovasie aan te jage, te importere én aan alledaagse behoeftes te zorge. Get woe Nederlandj té lang ein té slecht en onvoldoondje beleid op haet geveurtj. Wáé wille stoppe mit raegels- op raegels, en ruumdje gaeve vâôr good ongenemerssjap innovasie én vergreuning!

Ongerneme begintj bie bedrieve, van miljoenaers, groeëte ongeneminge mer ouch femieliebedrieve, MKBérs toet ZZPérs. 'T MKB én de femieliebedrieve spele dao ín ein belangrieke rol in 't sjôppe van werkgelaegenheid én behaoje van wélvaart! Dees ongeneminge zeen mit verantjwaordelik vâôr ongevieër 70 percent van de bane in Nederlandj. BBB vindj det de âôverheid 'n beleid mot hanjtere wat d, r vâôr zorgtj, det dees bedrieve vâôr Nederlandj 'n bestaons rechtr hóbbe!

Vâôl miense én bedrieve make gebroek van pinbetalinge en anger digitale betalings mâôgelikhaeje. Mér dao blíeve miense en bedrieve die de vâôrrang gaeve lever contant te betale. Banke zeen 'nne belangrieke partner in 't bestrieje van geldj criemieniele praktijke, zoe -es 'loesje praktijke'. Banke motte hâôr Wettelikke verplichtinge die biedrage aan 't verminjerre van criemienalieteite én 't verhuege van de veiligheid naokome.

De enorme waerde daling van oos geldj, inclusief de aan de angere kantj gestaegte koste vâôr oos laeves ongerhaod én de daobie gestaegte enersjiekoste zorge d, r vâôr det mieër es ein miljoen burgers ónger de ermoodgrens kome! BBB steit vâôr kouwkrach besjerming én ermoodbestrieje; wae laote nemes achter. Belastinge waere op dít moment door de âôverheid néét allein gebroektj om take oet te veure, mer ouch om 't geraag vanne burger én de samelaeving te sture. Det sleit zelfs zowiet door det ongerangere vleistax én sokkertax steeds opnuuj 'de kop opstaek.

Ein spesifiek Ministerie van digitalisering mot zich richte op 't ontwikkele van ein nuuj nasjonaal strategie, én 't coördienere van digitale innovasie âôver versjillendje sectore. Ouch mot 't ministerie de juuste raegels waarborge om de júúste raegelgaeving én beleidsmaotraegels vâôr burgers, bedrieve én infrastructuur te besjerme 'T Is van cruziejaar belang det de âôverheid ein próactieve rol dao in speeltj, in 't aansture en vormgaeve van diegietaale transformatie/vernuujing, met es vâôrnaamste puntj ; de míens és middelpuntj te haoje ; om de brôk tósse burger en âôverheid vâôl sterker te make.

Iedere dag
BBBeter



Klimaat

Waem roeëd steit, kan nêët greun doen

Met ein greujendje waereldj bevolking én steeds mieër economiese actievieteite is 't klimaat stéeds mieër onger drôk kome tye staon. Ouch al is 't klimaat vanaaf 't onstaon van dees werreldj aan autonome veranderinge ongerhevig, haet de miensheid dao zéker ouch 'nne groeëte invloed op. Wie grtoeët dae invloed dao op is, dao versjille de meininge van ongerzeuke flink op. Vanoet 'rentmeistersjap' streeftj BBB d, r nao om ein samelaeving woebie wae vôôr zoe wiet es waedao inbring op hóbbe, én woe, oze invloed op 't klimaat zolle beperke.

De groeëtste invloed op 't klimaat, waat wae hóbbe door oos gebroek, liektj d'r op det wae oos enersjieberonne té vôël en te fors aanspraeke. Ein oetdaging, want oos laeve haet ziene invloed op 't in de toekomst sterk afhankelijk te gaon waere van externe enersjieberonnes!

Oos klimaat is gáns van waers situaties en omsteninghaeje hievan es {temperatuur, windj, en neerslaag}, dae tiejes eine bepaaldje tied in ein gebied daovan op invloed is. Det is dus groeëter es dan allein de CO₂-hoevâôlheid (0,03%) in oze atmosfeer. Vôôr es naog is oze aandacht gerichtj op CO₂-vermíndering. Daobiej is van enorm belang det de doelstéllinge nêët allein draagvlak en begrip vanne miense kriege. Allein sáme kénne wae 'n verandering in gang zitte én oeteindelik toet ein succes makec! 'T benuuedigdje draagvlak én acseptere kan rezultaat toet ein succes make es besloetvorming doorzichtig is, én de luste zoewaal es de láste ieërlík verdeildj waere!

Daobie waege wae álle belange mét, en kieke wae nao 't groeëte gehieël. Waereldj wíed gezeen dreugtj Nederlandj mér 0,4 % bij aan de wasereldjwieje CO₂-oetstoeët, en oze vootaafdrôk is al vôël lieëger es mennig anger (Westers) landj. De enersjieberandering speeltj bij 't behaole van CO₂-doelstelling ein hieël belangrieke rol.

De enersjieberandering vreugtj om ein Deltaplan. Nuuj actievieteite zolle motte waere opgeboewdj, terwiel weer ángere actievieteite motte waere om- of aafgeboewdj. Dit verangerings proses vreugtj om groeëte investeringe door bedrieve, en zolle daodoor de prieze steiginge die zoe ontsjaon wéer waere doorbelastj aan de burger. De burger mot die die steeds extra kostelaste waal kénne blieve betale! Daorum zétte wae ín op ein rechtvaardige verdeling van de koste die handj- in handj loupe met de klimaatraegele. Vôôr biedrage aan oos klimaat, én ein énj aan 't gebroek van fosiele brandjstoffe is 't dus van groeët belang det wae 'nne sjlumme âôverstap nao duurzame enerzjieberonnes gaon make! Ongertösse det deze âôverstap bezig is, zolle wae gein fosiele enerzjieberonne in fazes gaon aafboewe, zoelang d'r gén betaalbare en duurzame vervanging besjikbaar is.

De âôverheid haet dé verandjwaoring om te zorge vôôr ein goej en fatsoenlikke infrastructuur, zoe-es ein betrouwbaar electriesieteits net, woe de aanbejers es ouch de gebroekers van enersjieberonnes van kenne make. Det beteikendj det wae zoewaal sterk motte investere in 't electriesieteitsnet, es det wae zéker ouch oos netwerk slummer motte gaon gebroeke, om píekmomente met âôverbelasting van 't nêët te beperke.

BBB straeftj d'r nao ein samelaeving die gebroek kan blieve make van betaalbare en duurzame enerzjieberonnes; want waem roeëd steit, kan nêët greun doen!

**Iedere dag
BBBeter**



Gezondheidszorg

Gein zorg om eur zorg

'T is twie vâôr twellef inne zorg! Oos zorgstelsel is zo good es vasgeloupe. De mertjwerking inne zorg haet opgelevertj det zorgbehandjeling op zichzellef goodkouper zeen gewaore. Nao 't inveure van de mertjwerking zeen wae echter ouch mieër zorg gaon numme. D, r is de aafgeloupe jaore ein consentrasie bie zorgverzekerieërs ontstaon. De Commerciaalizing van zorginstellinge met biebehuuere ndje kosteverhuuegendje aanbestedjings vâôrwaarde volges protocol en anger adminiestrasie verplichtinge, zorgt d'r intôsse waal vâôr det wae taegede grenze zeen aangeloupe.

Dao wirke zo langzamerhandj hieël vâôl miense AAN de zorg, en néét mieër INNE zorg! Daolangs ken d,r technies gezeen vâôl mieër en zeen d'r steeds mieër deur melisiene oppe mertj gekome die lang néét altied vâôr genaezingzorge. Door personeieëls tekort ontstaon d, r steeds mieër gate inne zorgverlieëning.

BBB steit vâôr ein zorgsysteem woe-in ederein, ongeachtj inkome of omstenj toegang kriegtj toet zorg en de nuuedige hulp kriegtj. Oos doel is ein zorgsysteem woe-in wae ouch omkieke nao dae angere, met respect vâôr éder individeu.

In oos viesie steit de miens, (en néét de verzekering) in al zien biezunjerheid centraal; de passiejent én de zorgprofessional. Geine miens is den ouch 't zelfdje! Wae gluive in autonomie van de zorg professional en hóbbe vertroewe in hâôr vermoge én de juuste aafwaeginge én keuzes te make vâôr de júúste en bes mâôgelikke zorg. Wae straeve nao ein miensgerichdje benadering, woebie wae de adminiestratieve laste toet ein minimum wille truukdrejje, om de aandacht nog mieër te ligge op de behoefte en winse van de passiejente. Protocolle zeen dao hieël gemakkelik bie, mer moge 't gesprek det geit âôver gooj zorg néét verkleine.

BBB wiltj den ouch det duchtig gesjrappt geit waere in allerlei burocratiese siesteme die d, r de oërzaak van zeen det ein verpleegkundige ongevieër 40% vanne verzorgingstied bestaedj geit waere aan âôverdraeve vâôl pepeer rompslomp; wat oeteindelik dé hoofdraeje waertj, worom zorgwernummers de zorg gaon verlaote! Wae wille det wirke IN de zorg, belangrieker waerdj dan wirke AAN de zorg!

Eind eik van oos maotraegele levertj geldj óp, mer ein deil kostj op de korte termien mieër geldj! En tóch zolle wae de komendje 4 jaor motte investere in gezondheidszorg én prevensie om inne toekomst juus koste te konne bespare. Dê is gezondj verstandj!

BBB wiltj gaer wirke aan 't verbaetere van de gezondheidszorg én det zolle wae doon vanoet 4 pijlers;

- 1 De basiszorg mot dunbiej besjikbaar zeen vâôr éderein
- 2 De regie oppe zorg kump te ligge bie dezorgproffesionals, en néét bie de beleidsmakers
- 3 De zorg mot weer aantrekkelik waere om in te wille wirke
- 4 Gezónje laefstiel, en sport vâôr éderein

Pandemieje zoie-es de Coronma crisis hób be groeëte gevolge vâôr oos samelaeving, BBB vindtj de 't belangriek det wae gooj lesse trekke oet de aanpak van de corana crisis zoedet wae biejeine volghendje crises néét dezelfdje foute gaon make!.

Iedere dag BBBeter



Landbouw & Vésserie

Voldoondje aete van, en oet eíge landj

Voedselzekerheid is vâôr vâôl lenjer inne werreldj éder daag opnuuj 'n zorg. Wae in Nederlandj hóbbe de luxe van ein gemaotig zieë klimaat, en ein vruchtbare delta. Wae zeen daomet ein van de gesjikdesse regio's vâôr voedselproductie's ter werreldj. Wae hóbbe daomet ein verandjwaordilikeid toet âôver oos landjs grenze haen. Dit zorgtj d'r vâôr det Nederlandj internasjonaal hóéëg in aanzien steis en oze landjbouw – en vésseriesector van sterke strategiese waerde is. BBB vindj eine sterke agrariese- én vésseriesector vâôrnaam. Vâôr oos voedselzekerheid én bane, mer ouch vâôr oos laefbaarheid van 't plattelandj en de kunstgemeinsjappe.

BBB vindj 't denouch belangriek det Nederlandj rojaal kén zorge in hâôr eíge voedselbehoefte, zoedet aeteswaar en angervoedsel óuch inne toekomst betaalbaar én vâôrraajig blijftj. wae exportere vâôl kénis, innovasie en producte woemit wae toegevoegdje waerde kónne levere. Tegeliekertied veure wae agrariese producte in en voedingsmiddele die hiej mínder natuurlikke oorsprong hóbbe. Es hanjelsnasie verzekere wae os door middel van ímport en export van voedselzekerheid. Vâôr os zéllef mer ouch vâôr lenjer direct om os haer'mit vâôl aandacht vâôr 't deer vruntjelikke én 't miljeu.

Det is de raeje, det wae wille det voedselzekerheid én laefbaarheid mét gaon waege in verangeringe van ruumdje tekort. Noe wirke d'r 600.000 miense in de Nederlandse agrariese sector wat betekendj det d'r 12 gezinne per boer/teler/tuinder, direk of índirek economies afhankelijk zeen van deze sector. Wae zeen ouch det ein laefbaar plattelandj dreijt om óós boere, telers, tuinders én véssers. Omdat zie zorge vâôr boere, - natuur, werk, én ouch actief zeen in 't verenigingslaeve, toet zelfs hâôr landjpersieële ter besjiking stelle vâôr o.a. 'n Dörpsfieës. Zonger dees miense hóbbe wae geín karakteristieke en zoe herkénbaar landjsjap, zoe- es blome corsoos, vésseriej daag, of de waalbekéndje trekker- trek daag mieër!.

Det betekendj ouch det 't Nedertlandjs landjsjap mét miensehenj ongehaoje mot blieve waere. BBB herkentj- én érkentj 't belang van det ; dao woe mâôgelik is, versterke van biodiversiteit. Dit doon wae néét door nuuj natuurgebieden aan te legke, mer door flora én fauna te behaoje in de júúste aantalle, waat ouch betekendj det d'r soms géin plek is vâôr 'n soort. Wae versterke aafwisseling ouch door educasie vergreuning vanne omgaeving, behere én ongehaoje door bevâôrbeeldj de jach. Biodiversiteit is néét allein ein zaak van natuur- en beheerders en landjboewers, 't is ouch 'n zaak vâôr éderein dae 'n verantwoordilikeid vâôr 'n deil vanne boeteruumdje dus ouch inne wieke en dôrpe.

BBB wiltj ouch de naam vésseriej ' truuk in 't ministerie van LNV. Dit wâôrdj dus ; ministerie van Landjbouw, Natuurgebied, Vésserie én Voedselkwaliteit, mét eine mienister aan 't bekendje roer! Dao kump ouch wat BBB betruftj geíne mienister vâôr Stikstof en Natuur! Det vélt onger de mienister van LNVV. BBB wiltj det wae âôverstappe van Stikstofbeleid, nao Natuurbeleid. De huidige Stikstofwet mót van taof en wae gaeve oze vólle aandacht aan 'n breije en heldere blik op natuurbeleid. Behaad van natuur, én herstelle van de natuur dao woe det nuuedig is! De lockdown vanwaege de wurgendje stikstofraegels die Nederlandh zich zéllef haet opgelag van agrariese ongenummers infrastructurele prijecte (o.a. aanlegk van waege) en bouw, mot zoe vlot mâôgelik waere gestoptj! 'T ministerie van LNVV richtj zich op behaad van álle elemente van oos landjsjap, en zorgtj d'r vâôr det d'r âôver 50 jaor nog stééds aerpele, greunte en vleis of vés op diene telder kome te ligke!

**Iedere dag
BBBeter**



Defensie

Midden in de wereldj, vol daadkrach

Wae h^bbe 'n behuuerlik aantal jaore van ongekenj vreej én redelikke veiligheid kenne geneete. Wae h^bbe es 't weare 'n vredesdividend van het einj van de Kaoje Aorlog ge-indj. Vâôl van os zeen opgegreujt in ein landj van weinig groeëte zorge woe-in aorlog get waas wat wae kenne es vidiospelkes en biejoskoop-films. Wiewaal de fijte os nóé laote zeen det veiligheid vrieheid én vrede néét get vanzellefspraekendje dinger zeen! 'T is néét get wat es van zellefspraekentj is.!

De invasie van Oekraïne haet os duudelik gemaaktj wie belangriek ein bekwaam leger tóch is vâôr oos veiligheid. Wae zolle inne toekoms aoep motte staon Nederlandjse en/of Westerse kernwaardes en/of grondjgebiede veilig te sjtelle, mer ouch es 't mot te verdedige. Dit doon wae same mit angere, alleriers bënne de NAVO- en EU, mer wae zitte d'r ouch néét vâôr om op eíge krach de belange van oos Nederlandj te verdedige. Dit létste vreugtj langs ggoj samewirking mét de NAVO- partners, om ein constructieve investering in de autonomie én de slaagkrach van oos kriegsmach, oos leger.

BBB vindtj det wae in Nederland jein good oetgerôsj leger motte h^bbe, wat neet ballein zellefstenjig, met ouch in NAVO- verbandj éch get vâôrstedj. Dao huurtj oeteraard voldoondje fienansiering bie die constructief en âôverzichtelik is op lange termien. Ein defensie organisatie is ein organisatie mét 'nne lange aom oeteraard. Defensie mot in staot zeen om op de bestaondje arbeidsmertj good talent aan te trêkke. Vanoet dit perspectief vinje wae 't belangriek det oos kriegsmach mieër zichtbaar is in oos landj.

De aafgloupe 25 jaor is d'r âôver de hieël breidje flink gekórtj oppe kriegsmach. De krump van de defensie - organiesasie haet d'r mét gezorgdj vâôr centralisatie en realiesatie mét té weinig zichbaarheid. Noe wae weer gaon investere is d'r kans op regionale zichbaarheid wéér vorm te gaeve. Ein sterke regionale aanwezigheid beedj de kriegsmach de mâôgelikheid ouch regionaal beteikenis te h^bbe es 't geit om rampe bestriejing en bennelandjse veiligheid. BBB gluijftj in ein sterk professioneel leger det waereldjwied inzétbaar is. Daolangs is d'r ruumdje vâôr ein oetgebeidj én omvangriek Nationale Reserve ; es verdediging vâôr oios eíge Nederlandj, vâôr rampe bestriejing en es br^kfunksie t^osse oos samelaeving en kriegsmach.

Cijber zoe hétj noe 't nuuj slaagveldj, es 't aankump op de landjverdediging. Steeds mieër vorme van aorlog gebâôre 'onzichbaar' of mit 'n modern woord 'in de cloud' in toenemendje maote zolle boetelandjse háckers perbere ziekehoeze, âôverheidsdeenste, fienansiejele deenste, sjoeële, of militaere installaties plat te lékke. Wae motte d'r aoep vâôr staon, en begrip vâôr h^bbe om te investere in technologie en artifiisjeel inmtelligence, om de onzichbare krach te versterke en vâôr 'de onzichbare dreiging' klaor te zeen.

BBB is gruuets op oos defensie- en veiligheids industrie, en hulptj ze woe mâôgelik om zoe de belange van oos Natsieonale veiligheid optimaal te besjerme én daomit 't Nederlandjse bedrieffslaeve gooj kanse te gaeve.

Veterane verdene oos collectieve waardering, mit respect én noeëdzakelikke zorg. Met de inveuring van de Veteranenwet en 't Veteranenbesloet zeen de ieërste stappe gezatte om waardering, respek én zorg te waarborge!

**Iedere dag
BBBeter**



Veiligheid

Veiligheid vâôr édere wiek én dôrp Criminialiteit moog noeëts loeëne

Ein laefbaar Nederlandj vreugtj om ein veilige rechtsstaat. De Rechtsorde mot burgers de zekerheid gaeve van 'n ieërlieke behanjelung én ein good funksjenerendje Rechtsspraak, en ein âôverheid watburgers besjermpt taeg vandalsme, criemialiteit, en ongermierung. De burger verwchtj ein effectieve én maatsjappelik betrokke peliesie organiesasie en ein zorgvuldig Aoepbaar Ministerie det werk meuktj van opspaoring én vervolging van persoeëne en ouch van bedrieve die de Rechtsorde aan hâôre laars lappe.

Intôsse këntj Nederlandj zoevâôl Wette én raegels det 't daodoor aan 't 'vasloupe' is. De beroeps- bevolking is néét groeët genug om die allemaol nao te laeve én te handjhawe. En zoe wirke stéeds mieër miense aan de controle van het priemaere perses, terwielm dao onvoldoondje miense in wirke 'T oetgangspuntj det de burger de Wet behuurtj te kénne, is naogenog zoeget nemes! Rechters kénne de massa zaken waat ze vâôr zich kriege néét mieër aan. Dao mot regoereus gesjrapjt gaon waere in Wette én raegels woebie de daovâôr verandjwaordelikke Mienister oeteindelik de knoup mot doorhakke wannieër eine beroeps- groep d'r zéllef néét oetkump. De aafgeloupe jaore is geblaek det dît waal noodzakelik is .

De Veiligheidsdeenste enne Peliesie hōbbe 't unieke mandaat ín de Rechtsstaat op te spaore, en te handjhawe. BBB vindtj det d'r mieër geïnvesteerdj ken waere om de Peliesie én veiligheidsdeenste dunder bie de burger te bringe. Det vreugtj om mieër regionale inzét. De maatsjappie is de létste jaore flínk 'heller 'gewaore en woe de geuniefmeerdje deenste de bnurger besjerme, moog de Rechtsorde de geuniefmeerdje deenste baeter mot gaon besjerme. Dees besjerming mot ein Wettelik kader hōbbe., mer ouch op 't persueenlik vlak verdene uniformdeenste mieër aandacht te kriege.

De Brandjwaer is ein belangriek ongerdeil vanne veiligheids organiesasie, en die is vâôr de samelaeving allein betaalbaar es wae de inzet van vriewilligers mâôgelik gaon make. Door de enersjie transiesie hōbbe wae in Nederlandj te make met mieër elektra, accu's én de opkoms van waterstof. De rol vanne Brandjwaer waerdj dus vâôl belangrieker, zoewaal bij de vâôrbereidunge van nuuj bouwplanne es bij de bestriejing van criemialiteit. Zeker inne dôrpe en regioos vervulle vâôl Brandjwaer korpse langs ein veiligheids funksie ouch ein sosieale funksie vâôr hâôr gemeinsjap. Die maatsjappelikke betrokkeheid wille wae gaer versterke.

Oos samelaeving waerdj in alsmer groeëtere maote ongermiendj, mit name vanoet de drugskriminialiteit. 'T Onvoldoondje bestrieje van harddrugs gebroek inne staeje drejtj oet op criemienele drugsnétwerke toet op 't platte landj. Wae staon vâôr eine vâôl zwaardere aanpak van georganieseerdje (drugs) mcriemialiteit om oos samelaeving veiliger te make, én te haoje, én criemienele nétwerke te bestrieje. 'T Risico op ongermierung, de ongerwereldj die de baove waereldj âôver geit neme, dét vreugtj 'n rechtvaardigtj fóse aanpak! Nederlandj zal én moog noeëts ein narco staat waere!

Straofmaat is ein belangriek instrument inne aafsjrieking van criemialiteit einerziej's en angerziej's ein instrument om oos samelaeving te besjerme taeg indievieduuje die 't mét de Wet en 't Recht néét zoe nauw numme. Wat BBB betruftj sjerpe wae híej- en dao de straf maat duchtig aan mét de intensie dao Recht met te doon aan oos maatsjappelikke waerde.

Iedere dag BBBeter



Betroembare Aôverheid

De aôverheid is d'r vâôr de burgers, en néét andersom

De gerichtjheid van landjsbestuur is sterk afhankelijk van – en in 't vertroewe wat burgers in det bestuur hóbbe. Wae hóbbe hiej 'n behuuerlikke oetdaging mét- ein in! BBB haet ein groeëte vâôrkeur aan 'n goodwirkendje aôverheid és vâôrbeeldj, die zich op hâôr kerntake, én zich d'r in kéntj det de samelaeving néét maakbaar is. De aôverheid mótt tendeenste vanne burger staon en néét andersom!

De aôverheid is van ós allemaol, en 't vertroewe inne aôverheid waerdj stérk be invloedj door de maote woe in wáe os ín díe aôverheid herkenne 'T hóbbe van dezelfde iedentiteit, en dezelfde taal is essensiejeel om sáme te kenne bedriepe. De BBB vindj 't hieël belangriek det édereine in plaats kan inneme bie díe aôverheid kan inneme, en det éderein zich ouch herkéntj in die aôverheid.

Ein laefbaa samelaeving meukt jein aôverheid néét allein. Die waardt gemaakt door de miense die dao in woeëne. Zeen de aôverheid allein es 'nne regieseur. Om díe rol good in te kenne vulle motte miense inne staeje, regio's, dôrpe en kerne betrokke waere in de vâôrberij - jinge én oetveuringe van beleid. Wat BBB betruft mínder centraal, en míeër regionaal en vâôral doonder bíte de miense! Ouch vanoet de regio mot 't mâôgelik zeen de wetgaeving te inietsiejere of vâôr te stelle.

BBB vindj det de aôverheid die de democrasie mot versterke, door ein verbrei jing én verdeping vanne inspraak vanne burgers op lokaal nivo. Democrasie is néét allein stumme, mer ouch biedrage door bevâôrbeeldj 't deile van ervaring, en 't gaeve van advies. Democrasie vreugt ouch om transparansie, en 't good en duudelik inzichtelik make van besloetvorming, en dús ein aoep aôverheid.

Good bestuur beteikent ouch 'n aevewichtig bestuur en aevewichtige inzet van middele. De aafgeloupe jaore is d'r in sommige regio's hieël vâôl ge- investerdj, terwiel det in angere rego's weer n"et is gebâôrdj. BBB pleijt d'r vâôr om dit beleid te verangere, zoedet éder regio weer téldj. Daobiej haet de aôverheid aug vâôr langjâôrige samewirkings agenda's tósse Riek enne regio's, en numtj zíc belemmeringe inne grensregio's weg.

Wae laeve in ein Rechtstaot, met ein constitutionele monarchie en parlementaere democrasie. De besjerming van grondjrechten steit aan de basis van oos samelaeving en vormtj de basis vâôr de rechtsorde.. BBB wiltj míeër aandacht vâôr 't borge van oos grondjrechte en 't good funksjenere van de rechtsorde. BBB wiltj míeër respek vâôr de sjei-ing van de Wetgaevendje, oetveurendje en en de rechtspraekendje mach. 'T Good funksjenere van de leérste Kamer, én de Twieëdje Kamer is ein vâôrwaarde vâôr ein good funksjenerendje aôverheid, en ein betrouwbare oetveuring van de Rechtsorde. BBB wiltj de verbinjing tósse burgers en parlement verbaetere, en de controlerendje rol vanne Twieëdje Kamerén de ieérste Kamer versterke.

BBB keestj vâôr einstummig vâôr oos samelaeving! Nederlandj besteit n"et alleín oet individuuje enne staot ; mer ouch oet gemeinsjappe, én ein laevenjig míuddeveldj!

Iedere dag BBBeter



BOERBURGERBEWEGING.NL